

Ovaj Pravilnik donesen je u skladu sa Statutom Islamske zajednice Bošnjaka u Švedskoj, te na osnovu odluke Skupštine Islamske zajednice Bošnjaka u Švedskoj, održane 6. marta 2010. u Boråsu.

PRAVILNIK O JEDINSTVENOJ ČLANARINI I VJERSKIM USLUGAMA

Član 1

Pravilnik regulira:

- prava i dužnosti koja se stiču redovnim plaćanjem članarine,
- vjerske usluge za članove Islamske zajednice i
- vjerske usluge za nečlanove Islamske zajednice

OPĆE ODREDBE

Član 2

- a. Punoljetni muslimani koji prihvate Statut Islamske zajednice Bošnjaka u Švedskoj i njenih lokalnih džemata i Pravilnik o članarini i vjerskim uslugama imaju pravo da putem pristupnice postanu članom Islamske zajednice i putem Porezne uprave plaćaju članarinu
- b. Članom Islamske zajednice postaje se danom potpisivanja pristupnice, a prava koja regulira ovaj pravilnik ostvaruju se tek danom kada se počne plaćati članarina. Maloljetna djeca postaju članovi Zajednice čim jedan od njihovih roditelja potpiše pristupnicu.
- c. Članovi Islamske zajednice imaju jedinstvenu člansku knjižicu.
- d. Preseljenjem u drugi džemat zadržava se kontinuitet članstva, s tim da je član obavezan da o tome obavijesti Islamsku zajednicu Bošnjaka u Švedskoj.
- e. Članovi koji više ne žele biti članovi Islamske zajednice, dužni su da o tome pismenim putem obavijeste Islamsku zajednicu Bošnjaka u Švedskoj. Ukoliko se obavijest o istupanju potpiše do 31. oktobra tekuće godine članarina se prestaje naplaćivati od naredne godine. Ukoliko se to desi poslije 31. oktobra tekuće godine, članarina se plaća i narednu godinu. Prava regulisana ovim pravilnikom ostvaruju se sve dok se naplaćuje članarina.
- f. Da bi se ponovo učlanili u Islamsku zajednicu, potrebno je potpisati novu pristupnicu.
- g. Sadašnji članovi IZ koji su propustili potpisati pristupnicu, mogu u prelaznom periodu, ali najkasnije do 31.10.2013. potpisati pristupnicu, a članarinu uplatiti na osnovu bruto prihoda iz 2011, i time zadržati svoje članstvo i prava koja iz toga proizilaze.


ČLANARINA ISLAMSKJE ZAJEDNICE

Član 3

Članarina iznosi 0,7 % od bruto oporezovanih primanja. Članovi koji nemaju prihoda za oporezivanje plaćat će paušalnu članarinu u iznosu od 365 kr. godišnje na principu dobrovoljnosti. Osobe koje rade u drugim državama i čiji prihodi se ne oporezuju u Švedskoj plaćat će članarinu u iznosu od 0,7% od svih prihoda za prethodnu godinu. Obje ove grupe su, također, obavezne potpisati pristupnicu.

Član 4

Porezna uprava sredinom svakog mjeseca uplaćuje 1/12 godišnje članarine svih članova na račun Islamske zajednice Bošnjaka u Švedskoj. Islamska zajednica Bošnjaka u Švedskoj zadržava 50 kruna po članu za administrativne troškove, a preostala sredstva uplaćuje na račun matičnih džemata članova Islamske zajednice.



PRAVA I DUŽNOSTI ČLANOVA ISLAMSKE ZAJEDNICE

Član 5

Članovi Islamske zajednice imaju pravo na potpuno besplatne sve usluge pobrojane cjenovnikom usluga ovog Pravilnika. Pored ovih pogodnosti, član Islamske zajednice bez dodatnih plaćanja ima pravo:

- da učestvuje u svim vjerskim obredima, programima i manifestacijama organiziranim u džematu,
- na odgoj i obrazovanje djece kroz mektebsku nastavu,
- da koristi prostorije džemata za privatne svečanosti vjerskog karaktera
- na pomoć po privatnim potrebama i diskretan razgovor s imamom u vezi bilo kojeg ličnog ili porodičnog problema
- član Islamske zajednice je dužan da se brine o svojoj zajednici, njenim potrebama i problemima
- član Islamske zajednice ima pravo da bira i da bude biran u njene organe

Član 6

Nijedan džemat ne može izvršiti vjersku uslugu licima koja nisu članovi Islamske zajednice, sve dok ne izvrše uplatu preciziranu ovim Pravilnikom.

Član 7

Imam jednog džemata nema pravo izvršiti usluge članovima ili nečlanovima u drugom džematu bez prethodne saglasnosti Odbora džemata, na čijem području se usluga traži.

CJENOVNIK USLUGA

Član 8

VJERSKE USLUGE	NEČLANOVI	ČLANOVI
Akika – nadijevanje imena	1 000	0
Dova za sunnetluk	1 000	0
Vjenčanje	1 000	0
Ikrar – dova	1 000	0
Dova prilikom useljenje u kuću ili stan	1 000	0
Mevlud – Tevhid	1 000	0
Usluge imama prilikom dženaze	2 000	0
OSTALE USLUGE		
Kupanje i opremanje umrlog	4 000	0
Čefini	2 000	0
Pomoć u organizaciji dženaze	1 000	0
Korištenje prostorija u džamiji	1 000	0

Član 9

Ove cijene odnose se na usluge u mjestu u kojem imam živi. Ukoliko se usluga vrši izvan mjesta boravka imama, dodatno se plaćaju putni troškovi na osnovu pravila koja određuje Porezna uprava.

Ovaj Pravilnik je usvojen na Skupštini Islamske zajednice Bošnjaka u Švedskoj, održanoj 02.02.2013. godine u Gislavedu. Posljednja izmjena usvojena na Skupštini IZBUŠ 01.03.2014.g. Važeći je od dana usvajanja sve dok se ne izmijeni ili usvoji novi.